

Izjava OHR-a na konferenciji za medije međunarodnih organizacija

Potreba za ispunjavanjem međunarodnih obaveza

OHR bi želio da odgovori na nedavne komentare u medijima da će saradnja sa Haškim Tribunalom ostati na nivou prazne priče dok se ne uspostavi zajednička saradnja SFOR-a i vlasti BiH.

Prema OHR-ovom mišljenju ovo zvuči kao još jedan izgovor da se ništa ne učini.

BiH ima međunarodnu obavezu da uhapsi optužene za ratne zločine, i posebno Republika Srpska ne uspijeva da ispuni ovu obavezu.

Na osnovu Haških optužnica, SFOR je uhapsio blizu 30 lica optuženih za ratne zločine iz Republike Srpske. Ostaje činjenica da vlasti RS-a nisu uhapsile ni jednog. Neprihvatljivo je da je međunarodna zajednica ta koja je poduzela ozbiljne napore da se ispoštuje međunarodno pravo i uhapsi najtraženija lica optužena za ratne zločine, te da građani BiH i dalje plaćaju cijenu za neodgovornost njihovih političara. Vlasti RS-a će trebati da pokažu da su ozbiljni u vezi sa izvođenjem operacija usmjerenih na hapšenje lica optuženih za ratne zločine prije Istanbulske konferencije krajem juna kako bi BiH imala priliku da promijeni sliku o sebi da nije ozbiljna u vezi sa ispunjavanjem svojih međunarodnih obaveza.

OHR očekuje da ministar policije RS-a Zoran Đerić i Direktor policije RS-a hitno nastave da odobravaju i poduzimaju operacije protiv optuženih za ratne zločine. Osim ukoliko RS pokaže dramatičnu promjenu u svom stavu i ostvari rezultate umjesto iznošenja izgovora, europska budućnost ove zemlje je u

opasnosti zbog njih.

Kantoni nemaju izgovora

Ustavni sud FBiH je odbacio HDZ-ov prigovor vitalnog nacionalnog interesa u Kantonu 6 koji se odnosi na usklađivanje kantonalnog Zakona o osnovnom i srednjem obrazovanju sa državnim Zakonom.

Zbog toga, Kanton 6 nema izgovora za neusvajanje zakonodavstva koje dovodi osnovne i srednje škole u sklad sa državnim zakonom. Ako to ne učine, dovode sebe u direktan sukob sa državom BiH i njenim međunarodnim obavezama kao i drugi kantoni koji nisu uskladili svoje zakone.

Ovdje se radi o poštivanju vladavine prava i međunarodnih obaveza ove zemlje. Treba spomenuti da je državni okvirni Zakon jednoglasno usvojen u parlamentu prošlog juna, od strane svih političkih partija.

Kantoni moraju poštivati zakone BiH i Ustav BiH, u suprotnom OHR će biti prisiljen da odgovornim smatra odgovornim one u Kantonima 2, 6, 7, 8 i 10 ako nastave potkopavati ustavni poredak BiH.